



59752

katkomp.



Mag. St. Dr.

P


Teol 4200.

Matkowiec Pauli Nodus triplex sive Conclusio-
nes de augustissimae Sacrosanctae Trinitatis
mysterio.

Biblioteka Jagiellońska



stdr0004688



N O D V S
T R I P L E X,

S I V E

C O N C L V S I O N E S

D E

Augustissimo SS. TRINITATIS



M Y S T E R I O,
S V B P A T R O C I N I O

Illustris & Generosi Domini,

D. I O A N N I S
A L E X A N D R I

D E K O R A B N I K I

W A X M A N,

BVRGRABII ARCIS CRACOVIE:

S. R. M. S E C R E T A R I I;

P E R

P. Fr. P A V L V M M A L K O W I C Z,

Sacrae Theologiae Cursorem

Publicè ad Disputandum

In Studio Formali Conuentus Maioris

Cracouiensis Beatissimæ V. MARIÆ in Arenis

Ordin: Frm̃ eiusdem Beatissimæ V. MARIÆ de

Monte Carmelo Regularis Observantia ✕

P R O P O S I T Æ.

Anno Domini, 1680. Mense C. Martii Die 18 Horis pomeridianis.

CRACOVIAE, Typis V N I V E R S I T A T I S.





Illustri ac Generoso Domino,
D. IOANNI
ALEXANDRO

De Korábniki

WAXMAN,

BVRGRABIO ARCIS
CRACOVIENSIS,

Sacræ Regiæ Maiestatis Secretario.

Dño & Patrono Obseruandissimo.



Odum triplicem & tamen unicum TIBI ILLUSTRIS & GENEROSE DOMINE ferimus, non uno TIBI quotquot Carmelita sumus innexi nodo, ut ipsum non soluas, sed potius arctissime adstringas TIBI. Quis enim eum ausit soluere? qui nusquam ambitus est, medium nullibi, habet & tamen est ubiq. Quis eum capiat, qui est intra omnia, sed non tamen inclusus in ipsis. Extra omnia, sed non tamen exclusus ab ipsis. Quis illius aut feriem deprehendat, aut finem cogitet? qui est sine principio, principium: absq. fine, finis: cui prateritum non abit, haud subit futurum: qui est ante omnia, post omnia, totus, vnus, ipse. Ergo irritum hic conatu mortalitas nostra fatigaret sese, si eum comprehendere vellet, qui appendit tribus digitis, molem terra, & apud quem sunt omnes Gentes quasi stilla situla, & quasi

quasi momentum statere teste sublimi vate. Et tamen, quantum cum nobis in tradita benignissimus Assertor reuelant fide, nodus hic, omnino nobis contemplandus, alioqui nunquam felicissima illa aternitate cumulandis. Hoc nos agimus ILLUSTRIS DOMINE sub Patrocinio & Fauore Tuo. Tria sunt quae nos huc impellunt, insignis eruditio Tua, eximia Virtus, & Summa Tua in nos nostrumque Ordinem Beneuolentia. Eruditionem loquitur, Indoles Tua viuanda, & exporrecta quam Tu cum Inclyta Vniuersitatis Cracouiensis penetralibus intulisses, Praeceptorum desideria anteuertens, illorumque sollicita circa Te cura, non onus, sed delictum factus, breui insignem in literis profectum, & floridam copiose loquentis Sapientiae amantem es affectus. Secuta est peregrinatio in Italiam Galliamque, omnium Regionum quae ad Occidentem receperunt cultissimas, in quibus cum non multam traxisses moram, illarum tamen Gentium elegantiam, lepores, & venustates abunde hausisti, eo fructu, ut in Patriam redux, fieres literatissimi Regum Serenissimi MICHAELIS copiosum amoris argumentum. Agnoscens enim in Te pectus generoso incoctum honesto, suum intima admissionis Cubicularium fecit, & verè amplissimis honoribus exornasset, nisi immitium fatorum lege, in ipso propè Regni sui procinctu terris subductus eset. Te porro tanto Patrono orbatum, Virilis adsciuuit Toga & Theatrum Ciuilis Vitae maius, ut in eo grandium Virtutum lumine coruscasses. Non enim Te otio corrumpendum dedisti, ut in eo quidquid est aui, vulgo mixtus, ignotus TIBI, ignoratus alijs, domesticos tantum inter Lares exigeres, sed quod à priuatis superest curis, totum in publicum transferres commodum, & liberator Patria, Amicis, bonis omnibus gratuita officas dedicas & imperdis. Non memoro alias eximias Virtutes Tuas, nec in breuis pagina angustijs multò illas ordine duco, humanitatem certe Tuam nos Carmelita experimur, maximè, quos Tu obuia ac effusa liberalitate Tua, tanto gratiore, quanto grauius est aliorum fastidium, ita TIBI deuincis, & obnoxios reddis, ut nunquam ex animis, nunquam ex memoria nostra praeclarissimum, & beneficium istud Nomen Tuum sit elapsurum. Huic finit tenuem istam operam nostram offerimus, Supremum semper Veneraturi Numen, ut Te omnibus suis muneribus, beneficisque tanquam suauissimis Nodis Patria, Familia, Nobis diutissime superstitem obliget adstringatque.

Illustris & Generosæ Dominationis Tuæ

Humillimus Cliens & Exorator

Pr. PAVLVS MAŁKOVVICZ, Sac. Th. Cursor,
Ordinis Carmelitarum.

CONCLVSIONES
EX SACRA THEOLOGIA
DE
Altissimo SS. TRINITATIS
Mysterio.

I.



Tante Reuelatione Diuinâ, Immediatâ, & mediatâ quâ certissimum est SS. TRINITATEM esse; Catholicè credimus. *Tres esse, qui testimonium dant in calo, Patrem, Verbum, & Spiritum, Sanctum & hos tres vnum esse.*

II.

Q Voniâ Veritas hæc de Existētia SS. TRINITATIS remotissima est à cognitione nostra purè naturali iuxta illud Matth. II. *Nemo novit Filium nisi Pater, & Patrem quis novit, nisi Filius, & cui voluerit Filius reuelare:* illius non repugnantia, nec alicui in mentem incidere potest, nec aliunde argumento positivo demonstrari; suppositâ tamen Reuelatione, nonnullis purè naturalibus probari potest cōgruētis.

III.

F Ides docet duas dari in hoc Mysterio Processiones, seu Actiones productivas v. g. Filij a Patre per intellectum, cuius Processio dicitur, *Generatio*; & Spiritus S. à Patre & Filio per Voluntatem, cuius Processio dicitur *Spiratio*.

IV.

A ctiones istæ productivæ sunt intellectio & Volitio notionales; non verò Essentiales in sensu formali & præcisivo sumptæ, quæ etiam quantumvis sumantur vt modificatæ Personalitatibus Personarum, dici non possunt Principia.

V.

P Rincipium igitur Filij est intellectus, non quidem Essentialis, sed vt Patris Obiectivè indivisibiliter: neq; similiter voluntas Essentialis est principium Spiritus S. sed voluntas vt Patris & vt Filij.

A

VI.

VI.

Processio Filij à Patre formaliter cōsistit in generatione actiua & passiva idēticis indiuisibiliter ; Processio autē Spiritus S. à Patre & Filio in Spiratione actiua & passiva etiam identicis indiuisibiliter, quibus formaliter duæ istæ Personæ constituuntur ; Pater verò non Processione aliqua, sed per esse Principij, quod habet à se, vt relatiui ad Filij generationem per intellectum, & Spiritus S. Spirationem per voluntatem, formalitèr constituitur.

VII.

Processionē Verbi ideò dicimus esse generationem, quia est Processio viuētis ex Substātia medio Principio *quo* per se siue ex genere suo necessario, videlicet *Intellectu*, quia verò Processio Spiritus S. à tali principio non est, sed à Principio ex genere suo libero, Sc: *voluntate*, generatio dici non potest.

VIII.

Quoniam Conciliū Toletanum II. ex communi sensu SS. Patrum definit, *Personas Diuinas hoc solo numerum significare, quod ad inuicem sunt* ; rectissimè constitutiuæ Personarum Diuinarum dicuntur Relationes; quæ cum sint obiectiuè indiuisibiliter ipsa Diuina Essētia absoluta, reales positivæ dicuntur: quomodo autem hæ sint tres realiter obiectiuè, illaverò vnica? est huiusce SS. TRINITATIS Mysterij difficultas incomprehensibilis.

IX.

Relationes Diuinæ supra Essentiam Diuinam seu *esse in*, quod materialiter includunt, addunt *esse ad* siue Relatiuum ; & si sumantur secundum *esse in* solū modò ex parte actus nostri formaliter in actu exercito præcisiui, addunt proprietates explicandas, prout veritas & bonitas respectu entis explicantur.

X.

Nihil vetat admittere in DEO tres existentias Relatiuas & vnā absolutam. Relatiuæ autem vt tales, perfectiones sunt, non simpliciter, sed cum addito vt relatiuæ.

Quan-

XI.

QVandoquidem Subsistentia simpliciter pronuntiata significet id, quod naturam ultimò terminat, & dat illi esse incommunicabile alteri tanquàm supposito, sic simpliciter Subsistentiam quartam absolutam admittere non possumus; nisi præcisè sumatur, prout dat perfectissimè per se existere sine alterius realiter à se distincti, eum terminantis aut complementis indigentia.

XII.

Absolutè loquendo, & ex parte Personarum quæ constituuntur, Personæ Diuinæ æquè primò & immediatè Relationibus, Originibus, & Personalitatibus constituuntur. Ex parte verò nostri modi concipiendi dici possunt eo modo constitui, quo subsistentias Diuinas concipere aliquis voluerit; melius tamen dicuntur Relationibus, quàm Originibus constitui.

XIII.

Improductio, innascibilitas &c. in Patre, quam Concilium Toletanum vi. & ii. Nicænum, & Symbolum Athanasij definit, fundatur in Relatione intellectus Patris tanquàm Principij ad Filium principiatum, seipsà existente in Patre.

XIV.

Verbum procedit ex omnium omninò intuitiva Dei Patris cognitione, ac proinde Essentiæ, Attributorum, Personalitatum, & Entium possibilem; non tamen ex cognitione intuitiva futurorum, nisi quâ parte increata est, & formale constitutum creatum, qua contingens non inuoluit.

XV.

Recta fides contra Græcos Schismaticos docet Spiritum S. à Patre & Filio, unicâ spiratione procedere, idq; verò similis liberè, non quidem libertate contingentia, sed libertate spontaneitatis, siue Processionis Naturalis volutatis Diuinæ.

XVI.

In hypothesi, quâ Spiritus Sanctus non procederet à Filio, procedere tamen à Patre per voluntatem supponitur; adhuc Spiritum Sanctum distingui realitè à Filio firmiter tenemus.

XVII.

Cum fide constet DEI Filium mitti iuxta illud Apostoli, ad Galat: 4. *Misit DEVS Filium suum factum ex muliere*; pariter & Spiritum Sanctum, iuxta illud Ioan: 14. *Quem mittet Pater in nomine meo*. Resoluimus Diuinarum Personarum missionem in eo specialiter consistere, quod sit vnus Personæ Diuinæ ab alia Processio æterna ad temporalem apparentiam, vel operandum temporaliter aliquem effectum insolitum.


XVIII.

AD saluandam vnus Essentiæ TRINITATEM Personarum; voces, quæ in Diuinis Naturæ Diuinæ Diuersitatem & differentiam significant, naturæ Diuinæ applicari non posse; quæ verò Personæ Diuinæ Diuersitatem & differentiam significant, Personæ Diuinæ applicari posse, defendimus.

Ad M. D. G. B. V. MARIÆ Honorem.



Disputabuntur Cracouia in Conuentu Aienario PP. Carmelitarum Regularis Observantia. Respondente eodem vt supra. Sub assistentia R. ac Venerabilis Patris MARTINI BEHM, Sac: Theologia in Alma Vniuersitate Cracouiensi DOCTORIS, Studiorum Generalium in eodem Conuentu Meritissimi REGENTIS. Anno Domini, 1680. Mense *Aprilis* Die *20* Horis pomeridianis. *J. x. x. x.*



24
24
24
24

